

## Dé ioù qu’i vén lo non Vatican ?

Vatican, dedeun l’antiquité, y éve lo non d’én tsanté dé Romma, qu’i ché lévève su la dréte dou *Tevere*, én fase dou Tsan dé Mars é a la dréte dou *Gianicolo*.

Y éve eunna cara mosan-a é umida, ioù qu’i lle sonve dé tsan vaco, bon pé lardzé.

Su lé premée quiéve Agrippina y a bâti dé djardén, é poué l’empéroù Nérón y a fé qué bâti én sirque privó, ioù qu’i an tcho lé premé martir crétchèn (permé llor l’apotre Piére, qu’i a itó encò souterró lai).

Lo tsanté y é én semété, payèn é crétchèn, tanque ou momèn qué Costantén, éntre 326 é 333 apré Jézù Cri, y a fé betà a piàn lo sondzón é y a bâti la premée bazelécca dédià a sen Piére.

Y é maque a parti dé l’an 1870 qué lo Vatican y é la rézidensa dou Pape. Ou Moyèn Adzo, én effè, y ittive dedeun lo palas dou Latéràn, pé poué pasà a d’otre palas romèn, fénque lo *Quirinale*, éa sièje dou prézidèn dé la répeblécca italiéna.



lo gnalèi



Région Autonome  
Vallée d'Aoste  
Regione Autonoma  
Valle d'Aosta

Assessorat de l'Éducation  
et de la Culture  
Assessorato Istruzione  
e Cultura

### Tiré de :

www.focus.it, juin 2002

Publié en décembre 2009 sur « Coucou » – Commune d'Antey-St-André  
Texte Collaborateur d'Antey-St-André pour la traduction : Andrea Rolando  
La transcription a été soignée par le Guichet Linguistique  
Mise à jour de la graphie : octobre 2013